

國民旬報論說

國民日報論說目錄

言論自由。文明之址。強聒不舍。頑懦興起。參綜衆長。潘筆樂旨。風雨如晦。嚶嚶不已。先有  
鷄鳴。後乃天曙。匪曰空言。聊附斯義。錄社說第一

原國

說國民

說漢種

亡國篇

廿。紀。大。地。風。塵。莽。莽。况。我。極。東。萬。馬。所。向。指。論。時。事。風。雲。氣。壯。睠。懷。大。局。庶。焉。心。賞。錄。時

論第二

二十世紀之中國

中國滅亡論

續中國滅亡論

支那滅亡論

國民報  
目錄

正仇滿論

社說

原國

亞西、亞之東。有大地焉。爲白人。所公有。凡其地。重大之事。執其權者。無一而非白人。故白人。之至其地者。縱橫跋扈。無所不至。蓋已奴隸其土人。牛馬其土人也。久矣。然其土人。冥然罔覺。自稱其地曰中國。其實瀕海之東。既不可謂中。偷生苟活。更無以爲國。國民曰。是所謂土地也。非國也。

土地之上。忽有霸王焉。用其兵力。竊土地以爲霸王。有又忽有盜賊焉。率其徒衆。竊土地以爲盜賊。有又忽有權奸焉。欺人孤兒寡婦。竊土地以爲權奸。有又忽有胡虜焉。恃其獷悍。善戰竊土地以爲胡虜。有此秦漢唐宋元明等號。所由來也。然所謂秦漢唐宋元明者。一家之謂也。其爭奪相殺循環無已。皆一家之私事也。國民曰。是所謂朝代也。非國也。

土地之上。忽而有兵刑。忽而有錢穀。忽而有內政。忽而有外交。苟無人以經理之。則土地不治。故所謂君者出焉。所謂臣者出焉。皆爲民事者也。然歷時既久。彼所謂君者。忘其所以舉土地爲一己之私產。舉人民爲一己之私奴。而悍然自稱曰國。故彼以爲然者。則曰。若是

者。上。不。病。國。下。不。病。民。是。病。國。與。病。民。有。上。下。之。別。矣。彼。以。爲。不。然。者。則。曰。若。是。者。國。計。民。生。兩。無。裨。益。是。國。計。與。民。生。有。區。域。之。分。矣。嘻。彼。之。所。謂。國。者。果。吾。之。所。謂。國。乎。國。民。曰。是。所。謂。政。府。也。非。國。也。

然。則。所。謂。國。者。將。何。如。曰。自。其。外。視。之。則。土。地。雖。割。而。國。不。亡。朝。代。雖。易。而。國。不。亡。政。府。雖。覆。而。國。不。亡。惟。失。其。主。權。者。則。國。亡。故。亞。臘。斯。加。可。以。賣。亞。爾。塞。斯。洛。倫。可。以。讓。於。俄。法。無。傷。也。法。有。國。而。無。朝。美。有。國。而。無。朝。於。法。美。無。傷。也。元。之。政。府。覆。於。明。元。人。之。政。府。亡。正。漢。人。之。國。所。由。興。也。法。之。政。府。覆。於。普。魯。意。之。專。制。政。府。亡。正。法。人。民。主。之。國。所。由。興。也。若。夫。所。謂。中。國。者。其。主。權。何。在。謂。主。權。在。民。則。民。無。權。謂。主。權。在。君。則。君。無。權。謂。主。權。在。諸。侯。王。大。臣。則。諸。侯。王。大。臣。僻。處。于。萬。山。之。中。而。不。敢。出。謂。主。權。在。疆。臣。則。疆。臣。雍。容。坐。鎮。于。各。省。之。中。而。待。國。之。亡。則。中。國。之。主。權。外。人。之。主。權。也。大。地。之。上。焉。有。主。權。亡。而。猶。得。謂。之。國。者。自。其。內。視。之。則。人。民。也。君。主。也。官。吏。也。皆。隸。屬。於。國。者。也。譬。之。一。公。司。人。民。其。股。東。也。君。主。其。會。計。也。官。吏。其。司。事。也。聚。股。東。會。計。司。事。各。人。而。謂。之。公。司。聚。人。民。君。主。官。吏。各。部。而。謂。之。國。其。義。一。也。故。一。國。之。中。有。國。法。爲。民。者。守。之。爲。君。爲。臣。者。守。之。民。犯。國。法。謂。之。亂。民。君。

犯國法謂之暴君。臣犯國法謂之賊臣。其名不同，其罪同也。然則但舉一民不得爲國，但舉君若臣亦不得爲國。大地之上，焉有一人數人而自稱爲一國者。

然則所謂國者，果誰有之乎？曰：人人有之，即輿夫走卒亦得而有之；人人不能有之，即帝王君主亦不得而有之。人人有之者，謂人人對國有應盡之義務，既爲一國之人，即無所逃於一國之中也；人人不能有之者，謂人人於國有應得之權利，苟以一人而用其專制之權，是一國之所不容也。故任一國之陸沈而理亂不知，黜陟不聞，以爲我終其身者，謂之忘國；抑人民之自由，抑人民之平等，而使之流離困苦，不得其所者，謂之賊國。忘國賊國，厥罪惟均，皆國之蠹也。

然則吾國之亡，果誰致之乎？曰：外人不能亡吾國，而國人亡之。君相不能亡吾國，而匹夫亡之。君相擅剝我土地，以裨外國，是盜賣我田產以自利也。君相擅吸我脂膏，以償兵費，是劫掠我財物以媚人也。君相擅與他人立約，曰某省不讓某人，某島不讓某人，是家僕與外賊通以破主人之家室也。然吾民若罔聞知，不敢與之爭。若曰：吾儕小人，焉知大計？是雖烹我，剝我，而我亦不敢動。所謂放棄其責任者也。於外人乎？何尤於君相乎？何尤。

然則吾民之自外於國。果誰使之然乎。曰是。中。不。知。無。國。之。苦。試。問。廣。州。九。龍。膠。州。旅。大。京。津。之。民。廬。舍。被。焚。財。產。被。奪。妻。女。被。掠。墳。墓。被。掘。伏。尸。徧。野。血。肉。狼。籍。日。不。忍。睹。耳。不。忍。聞。此。其。故。何。也。曰。惟。無。國。之。故。試。問。美。洲。澳。洲。南。洋。各。島。之。地。逐。我。華。民。焚。我。商。店。飲。我。以。毒。藥。幽。我。以。深。坑。吞。聲。飲。泣。莫。可。告。訴。飄。泊。異。鄉。生。還。無。日。此。其。故。何。也。曰。惟。無。國。之。故。嗚。呼。印。度。人。無。國。而。頻。年。荐。饑。者。飢。欲。死。波。蘭。人。無。國。而。遷。於。西。比。利。亞。者。寒。欲。死。埃。及。人。無。國。貧。欲。死。猶。太。人。無。國。富。欲。死。無。國。之。民。豈。有。他。哉。終。歸。於。一。死。而。已。故。吾。民。苟。立。國。則。已。再。不。立。國。則。今。日。之。慘。猶。不。爲。甚。他。日。者。四。萬。萬。之。民。必。將。散。之。於。西。比。利。亞。散。之。於。阿。非。利。加。散。之。於。澳。大。利。亞。且。所。至。之。地。土。人。得。而。窘。逐。之。白。人。得。而。踐。踏。之。而。所。謂。中。國。者。永。無。中。國。人。之。足。跡。而。所。謂。中。國。人。者。地。球。上。永。無。容。身。之。地。是。雖。歷。千。萬。年。億。兆。年。而。終。無。立。國。之。一。日。也。願。問。四。萬。萬。同。胞。將。何。以。處。此。

社說

說國民

今試問一國之中可以無君乎曰可民主國之總統不得謂之君招之來則來揮之去則去是無所謂君也又試問一國之中可以無民乎曰不可民也者納其財以爲國養輸其力以爲國防一國無民則一國爲邱墟天下無民則天下爲邱墟故國者民之國天下之國卽爲天下之民之國誠如是則上可以絕獨夫民賊之跡下可以杜篡逆反叛之說以一國之民而治一國之事則事無不治以一國之民而享一國之權則權無越限乃吾國之稱民者賤之則曰小民鄙之則曰窮民嗚呼久假不歸妄自尊大民安得不小剝民之膏以養一民安得不窮吾則謂天下之至尊至貴不可侵犯者固未有如民者也

雖然大地之上同是動物也而有人類禽獸之分同是人類也而有白黃紅黑之分卽同是一民也而有國民奴隸之分何謂國民曰天使吾爲民而吾能盡其爲民者也何謂奴隸曰天使吾爲民而卒不成其爲民者也故奴隸無權利而國民有權利奴隸無責任而國民有責任奴隸甘壓制而國民喜自由奴隸尙尊卑而國民言平等奴隸好依傍而國民尙獨立



此奴隸與國民之別也。

何謂權利。曰天之生人也。既與以身體自由之權利。卽與以參預國政之權利。故一國行政之權。吾得而過問之一國立法之權。吾得而干涉之一國司法之權。吾得而管理之一國有利爲吾切己之利。必合羣力以求之一國有害爲吾切己之害。必誓死力以去之。故權利者。暴君不能壓酷吏不能侵。父母不能奪。朋友不能僭。夫然後乃謂之國民之眞權利。若夫以一己之權利拱手而授之他人。君主以一人而占有權利。我不敢與之爭。貴族以數人而私有權利。我不敢與之爭。甚且外人盜我權利。詐我權利。我不敢與之爭。是所謂放棄其權利者也。無權利者非國民也。

何謂責任。曰奴隸之所顧者爲一人一家之事。國民之所顧者爲同國同種之事。奴隸之遇事也有畏蒞苟且之心。故在家則諉之父兄。在朝則諉之君相。是率一國之人而無任事者也。國民之遇事也有勇往冒險之心。故一國之事卽一人之事。一人之事卽一國之事。是率一國之人而皆任事者也。然則理亂不知黜陟。不聞視國家之利害。休戚如秦越之相肥瘠。孳孳焉汲汲焉求保其身家妻子以偷生苟活於斯世者。皆放棄其責任者也。無責任者非

國民也

何謂自由。曰粗言之則不受壓制。卽謂之自由焉耳。壓制之道不外二端。一曰君權之壓制。一曰外權之壓制。脫君權之壓制而一旦自由者。法國是也。脫外權之壓制而一旦自由者。美國是也。故凡受君權之壓制而不能爲法國人之所爲者。非國民也。凡受外國之壓制而不能爲美國人之所爲者。非國民也。且也欲脫君權外權之壓制。則必先脫數千年來牢不可破之風俗思想。教化學術之壓制。蓋脫君權外權之壓制者。猶所謂自由之形體。若能跳出於數千年來風俗思想。教化學術之外。乃所謂自由之精神也。無自由之精神者。非國民也。

何謂平等。曰天之生人也。原非有尊卑上下之分。自強凌弱。衆暴寡而貴賤形焉。主奴判焉。故治人者爲主。則被治者爲奴。貴族爲主。則平民爲奴。自由民爲主。則不自由民爲奴。男子爲主。則女子爲奴。若是者。謂之奴隸之國。國民則不然。衝決治人者與被治者之網羅。則人人皆治人者。卽人人皆被治者。衝決貴族與平民之網羅。則人人皆王侯。卽人人皆阜隸。衝決自由民與不自由民之網羅。則律例之中無奴僕之文字。海外華工無苦力之稱號。衝決

男子與女子之網羅則男子有參政權即女子亦有參政權夫然後一國之內無一人不得其平舉國之人無一人不得其所有平等之民斯爲平等之國故不平等者非國民也何謂獨立曰奴隸者其喜懼顛倒悉聽於他人之憎愛聞有挫我折我者則色然而憂聞有庇我參我者則怡然而喜故君相而能庇我參我也則奴顏婢膝唯唯聽命牛之馬之不以爲苦盜之賊之不以爲辱苟能遂其高車駟馬錦衣美食之心則甘爲一姓之家奴而不辭且外人而能庇我參我也則搖尾乞憐於外人之前以求保其身家甚或藉外人之力戕賊同類以媚外人而卽以堅外人保我護我之心然此不過奴隸之故態固無足責若夫國民者則雖率通國之君相官吏學士賢者以譽我敬我富我貴我而我不少動雖率通國之君相官吏學士賢者以毀我賤我殺我戮我而我不少動雖率地球爲文明而大倡權利責任自由平等之說而我之倡權利責任自由平等者如故雖率地球爲野蠻而大倡無權利無責任不自由不平等之說而我之倡權利責任自由平等者猶如故蓋甘心爲四萬萬人安坐以待亡國者之公敵并甘心爲地球萬國日求所以亡我國者之公敵反是者非國民也然則今日之中國有國民乎無國民乎此二十世紀之一大問題也中國而有國民也則二

十世紀之中國將氣凌歐美。英雄長地球。固可翹足而待也。中國而無國民也。則二十世紀之中國將爲牛爲馬爲奴爲隸。所謂萬劫不復者也。故得之則存。舍之則亡。存亡之機。間不容髮。國民之不可少也。如是。

嗚呼。吾嘗觀中國之民。未嘗不喟然而太息也。不論上下。不論貴賤。其不爲奴隸者。蓋鮮。試觀所謂士。所謂農。所謂工。所謂商。所謂官吏。有如吾所謂國民者乎。天下至貴至重者。莫如士。而中國則至愚至賤者。莫如士。彼抱其八股試帖。以應科舉者。俛首受搜檢。則行同竊盜。而不以爲恥。揣摩主試之意。則行同妾婦。而不以爲賤。謂蓋有益於吾之功利。祿則雖斷吾手。刑吾足。以易其所謂進士舉人者。吾何靳焉。至國家之事。則揜耳而不欲聞。有告以國權之放失。異族之陵削。政府之壓抑。種族之滅亡者。則瞠目結舌。以爲妖言。其稍黠者。則曰。吾輩學者。唯講學問而已。國事者。君相之事。吾輩可無與也。嘻。是率一國之士。而爲奴隸也。國民乎何有。

又試觀窮鄉僻壤之間。有鬻其面。塗其足。終日勞勞。無時或息者。是亦所謂天下之窮民者矣。然虐之以田。主虐之以官。長虐之以吏。胥虐之以土棍。務使之鬻其妻。典其子。而後已然。

若輩不敢動也。朝廷派設官吏以某官剝某地之皮以某官吸某民之血彼曹不與聞也。而遑論夫所謂參政權而遑論夫所謂選舉權亦不過吞聲飲泣諉之於命而已矣。嘻是率一國之農而爲奴隸也。國民乎何有。

若者外國工人有立會演說開報館倡社會之說者我國有之乎。曰無有。外國工人有合各國之工人於倫敦立一大會議定各法以保護工業者我國有之乎。曰無有。外國工人有干涉國政倡自由之說以設立民主國爲宗旨者我國有之乎。曰無有。今日各國殖民地所用之苦工約有三種。一曰印度人。一曰卜里內雪人。一曰爲支那人。此三者與向之黑奴無異。某處有未闢之地某處有未開之礦則此三者馳驅奔走於其間未嘗一日甯焉。不然則驅逐之窘迫之凡文明之人所不忍施之禽獸者莫不加之於我華工焉。然則地球上之人類固未有賤於華工者矣。于國民乎何有。

且也。外國之富商大賈皆爲議員執政權而中國則貶之曰務末賤之曰市井不得與士大夫伍。然一旦償兵費賠教案甚至供玩好養國蠹者皆莫不取資於商人。若者有稅若者有捐震之以報効國家之名誘之以虛銜封典之榮公其詞則曰派美其名則曰勸實則敲其

膚吸其髓以供吾用而已。且也。所吸之髓未必盡出於富者。不過取懦弱無勢者而虐之。而已。彼富且貴者之一毛不拔。自若也。已吸之髓未必盡入於朝廷。不過一二奸胥一二酷吏。揚揚得志而已。彼司農之不名一錢。自若也。然則中國之商人不過一供給財用之奴隸而已。國民乎何有。

且夫官吏者至貴之稱。本無所謂奴隸者也。然中國之官愈貴而愈賤。其出也。武夫前呵。從者塞途。非不赫赫乎可畏也。然其逢迎於上官之前。則如妓女奔走於上官之門。則如僕隸其畏之也。如虎狼其敬之也。如鬼神得上官一笑。則作數日喜。遇上官一怒。則作數日戚。甚至上官之皂隸。上官之雞犬亦見而起敬不敢少拂焉。且也。上官之上更有上官。其受於人者亦莫不施之人。即位至督撫尙書其卑污垢賤屈膝逢迎者曾不少減焉。俄而朝廷維新矣。則拾人唾餘以談新政。俄而朝廷守舊矣。則力攻新黨以避新名。其所謂維新者不過聽外人之所爲。爲外人之奴隸而已。非眞維新也。其所謂守舊者不過聽一人之所爲。爲一人之奴隸而已。非眞守舊也。故貴者之爲奴隸較之賤者之爲奴隸。其品較下而其心較苦。國民乎何有。

雖然。中國之無國民。不自今日始也。說者或曰。秦漢以來。中人之屈服於專制者二千年於茲矣。故每謂三代以前有國民。而嬴秦以後無國民。斯言也。亦知其一而未知其二者也。所謂國民者。有參政權之謂也。所謂權也者。在君主之國。須經君主與議員所承認。在民主之國。須經國民全體代表所許可。定爲憲法。布之通國。彼暴虐之君主。專擅之政府。多數之黨派。皆不得而破壞之。專橫之攘竊之也。要之。國民之權利。須經憲法法律所定者。然後謂之權。不然。則否我國。雖三代之隆。未之或聞也。唯見之經傳者。有謀及庶人。詢及芻蕘等語。人遂謂三代以前有國民。豈知此所謂謀及庶人。詢及芻蕘者。不過賢君之令德。而要非國民之公權。蓋君也。賢則有權。君也不肖。則無權焉。焉有國民之公權。而操縱悉聽之君者。夫乃知中國自開國以來。未嘗有國民也。

且也。今日之中國。報館有禁。出版有禁。立會演說。又有禁。倡公理。則目爲邪說。開民智。則誣爲惑人。坐是種種。而中國國民之種子。絕即中國人。求爲國民之心。死故父以戒子。師以率徒。兄以詔弟。夫婦朋友之相期望。莫不曰安分。曰韜晦。曰柔順。曰服從。曰做官。曰發財。是數者。皆奴隸之根本。國民之仇敵。故卒舉一國之人。而無一不爲奴隸。即舉一國之人。而無一

可爲國民。嗚呼。誠如是。則無論二千年以前。無國民。即二千年以後。亦未必有國民。曾見英國議院中有印度人之足跡乎。曾見法國議院中有安南人之足跡乎。曾見日本議院中有台灣人之足跡乎。此無他。所謂國民之種子已絕跡於今日故耳。

然則奈何。曰。是非播國民之種子不可播之奈何。曰。法蘭西革命以前。其民之憔悴於虐政者。非猶我今日乎。其全國無一國民。非猶我今日乎。其所以有今日者何也。蓋以法國爲國民之田。以十八世紀諸學士爲國民之農夫。以自由平等之說爲國民之種子。孟德斯鳩苦心焦慮。審慎周詳。其播之也。出以和平。福祿特爾作爲詩歌。以動全國。其播之也。出以逸樂。路索狂不放羈。睥睨一世。其播之也。出以激烈。外若邱穀。若賴黻益。若米拉薄。若鹿李斯配。若西藹。若惠爾納諾。若談頓。莫不著書立說。一倡百和。故今日法國之民。得以食國民之果者。皆數人之功也。且也。當時美國之學士。皆自稱爲法國理學士之弟子。而卒以脫英國之壓制。則法國之種子。且波及於美洲。嗚呼。播種之力。如是其大而吾國之種。無聞焉。其故何也。

故今日者。願吾同胞萬衆一心。支體協力。以求爲中國之國民。并以播國民之種子。非然者。



天。演。如。是。其。劇。物。競。如。此。其。酷。而。世。界。有。國。民。之。國。將。羣。起。染。指。於。亞。洲。大。陸。極。東。之。地。以。國。民。而。伐。奴。隸。之。兵。奴。隸。安。有。所。不。敗。以。國。民。而。握。奴。隸。之。利。奴。隸。安。有。所。不。窮。此。固。優。勝。劣。敗。之。理。無。可。逃。於。天。地。者。也。乃。猶。有。忸。忸。現。現。無。一。人。求。爲。國。民。如。我。中。國。者。

社說

說漢種

東方一大陸。其面積一百三十餘萬英方里。人口三百兆八千萬有奇。粵厥祖先。實惟文明之族。而有四千餘歲歷史者也。迨及中葉。北方胡族。逐漸侵入。以水草獷悍之性。肆鯨鯢踐踏之威。自晉以降。莫代無之。黃河以北。爲異族投鞭蹴蹄之區者。千餘年於茲矣。駑馬伏櫪千里之志。已虛懸肉在俎寸鬻之苦。方劇嗟我漢人。上鑒往蹟。下循近情。苟有血氣。能無悲乎。雖然。此後爲漢種之患者。於匈奴蒙古。西人謂東亞人爲非獯族之外。復出一亞利安人種。皆蒙古人種。甚非獯族之外。復出一亞利安人種。劉淵石勒。不如其狡。成吉思汗。不如其猛。弩爾哈赤。不如其智。乘席捲環球之威。挾驅山倒流之勢。以直壓我東方。東方之漢種。其將奮起以抗之乎。抑將坐以待斃乎。鯨浪排空。檣舵皆折。傾覆之危。在於瞬息。睡獅睡獅。曷其甦焉。

漢人自稱其踐之漢土曰中國。實則地偏極東。不可謂中。神器外移。不可謂國。猶太民族。漂泊地球。所至皆其國家。印度非洲。主權在人。隨時易其母國。以面積一百三十餘萬英方里之漢土。人口三百兆八千萬有奇之漢人。不能自建一中央政府。以與各種族相頡頏。甘踣

踏於獷悍民族之軛。下其與猶太印度非洲諸人種復何以異耶。人民不能自主而受人之抑壓。羈絆者謂之奴。土地不能自治而任人之治之。且變更不一者謂之大陸。非所謂國也。非所謂有國之人民也。國者終古不可滅之者也。然則四千年來之歷史。雖謂爲漢種未有國以前之歷史可也。

俄羅斯者。史老扶人種之代表國也。史老扶人種不能合成一大團體。或散處普魯士。或散處奧地利。或散處土耳其。屢受他種人之制禦侵壓。自千八百二十年以來。史老扶人種統一主義。逐漸浸入八千萬史老扶同胞之腦內。不十年間。此主義遂致發揚光大。聞其說者。史老扶人種統一主義。莫不思奮發自勵。以圖將來之統一。共建一國。以與歐洲大陸相頡頏。云同胞感情之易相關切。固如是矣。今漢種爲數之衆冠絕宇內。所有各族且所占之地。亦既優於其他各種。惜渙散易潰。絕無團結不拔之精神。以致常爲異族所屈。吁。安得一仲郭拉其人。倡全漢人種統一主義。以陶鑄我同胞獨立不羈之精神焉。

雖然。漢種之特色。固亦有不可磨滅者矣。以蒙古人種之標悍。匈奴人種之跋扈。一踰長城一步。則將其嚙。昔風化習慣。以及精神上之嗜好。一一滌去無遺。而甘爲漢種所化。是以刀

箭制漢人而反爲漢人之無形之風化所制。負括囊四百餘州。臣奴億兆之名實。則漢種文明之降虜而已。試問元與清之領有漢土。辮髮服制而外。更有何物以變更漢種之面目者乎。無有也。俄國一大哲學家。曾就義和團事件而論之曰。『吾歐人所至之地。莫不披靡。而今所存者。不過極東諸國而已。極東諸國。巍然獨立之日本。已爲吾歐文明所征服。其猶蠶然不相下者。獨漢種焉。吾人其乘此亂機。而傾此鉅人乎。』蓋歐人觀漢種過去之歷史。深爲駭恐。且黃種爲禍之虞。尙橫亘其胸中。故視之過高。而不以其他劣種埒觀之耳。故有斯言。漢種其果能爲亞利安人種所征服乎。抑能與之並駕齊驅。或凌而卞之乎。此固吾所難以一言決之。惟漢種已過之歷史。不過僅亞洲中之漢種。亞洲中之漢種。其四環皆水草遊牧之族。文明程度皆遠出其下。其制勝也固宜。今既進世界中之漢種之歷史範圍。中四面強敵。武力與文明力皆與蒙古匈奴種絕異。懸殊。漢種歷史之光彩。其能永保其不日趨漸滅乎。未敢信也。

歐洲生物學者已克曼論人種之將來曰。『人種上之生存競爭。惟富有生殖力之人種能制勝之。富有生殖力者莫漢種。若歐人殆非其敵也。』又英國魏斯培將軍當長髮

之際。特奉英廷之命東來。巡視中國情形。歸而有言曰。『中國將昂首奮起之國民也。他日有英偉之軍人及政治家崛起其間。建一轟轟烈烈之大帝國。揮其武力以先奔俄羅斯。則俄人非其敵。中國既驅走俄人之後。復蹂躪印度。而逐吾人於印度洋之外。當此性命決於呼吸間之時。英國其將不得不與亞美利加及歐州大陸同盟以抗之矣。』歐人之爲斯言也。蓋亦有因。一可以危詞聳國民之聽聞而藉以勵其敵愾之心。一因成吉思汗西侵之歷史。深藏於歐人之腦內。黃禍一語。雖三尺童子亦能道之。窺弓思蛇。固其恆性。茫茫漢種。慎勿以自誇也。

漢種之移殖海外者。不下六百萬。西伯利亞之颶風。飛沙不足以拒之。南阿南美之炎瘴。不足以驅之。白黑櫻紅各種之殘酷暴虐。不足以阻之。美國獨立之始。澳洲聯邦之年。飛立濱歸美之日。百政未布。首卽高揭嚴禁華人登岸之例。而今在澳之華人身稅則增至百磅矣。一舉一動皆不獲自如矣。卽同洲同文同患共憂之日。日本當前載布內地雜居之條。亦日惟不許華人與享其權利。外人之遇華人。若是其酷。忌華人。若是其深。華人之足迹。宜其絕於天壤矣。然而剝之愈甚。而其所以求復之道。愈備。法蘭西人有曰。支那人乃天然不可壓

服之人種也。吾於是而知漢種之無形戰鬪力之鉅焉。

抑西人所至之地。其地主權必爲其所握。如西人之駐華者。除割據地之住民與兵卒而外。不出五萬餘人。然而中國全國商務重權。涓滴皆入其囊中矣。而中國人則不然也。布哇全國。人民十萬。中國人與日本人幾居其半。土人居十分之三四。然其島中一切稍重大之權利。莫不墮於少數白人之手。觀白人之經營地球。殆如善奕者之奕棋。經其所布置之處。則必爲所占據。他人之布置。雖密終不過成爲贅疣。束手待斃而已。讀白人侵略世界史。可爲寒心也矣。

西人優捷。東人劣敗之故。其抑何因而致耶。悄然以思。默然以索。遠鑒歷史。近窺近情。確有所得曰。非東西智力富力武力之懸殊。乃國與無國者爭。國民與亡國之民爭。猶以卵觸石。以鬼火當皓月。其敗也不亦宜耶。猶太之富冠絕地球。然橫被擯斥。宇宙雖廣而無其容身之地。印度人體魄之強。超越宇內。然英人每有戰釁。則置之前驅。學兵學政之權。亦不與焉。每歲饑饉死亡之數。或數萬。或逾數十萬。奇酷奇慘。莫或恤之。無國之慘。固如是矣。吾人。不揣其本。而惟懟白人之跋扈。不仁。白人誠跋扈矣。抑思吾人所處之地位。與印度猶太人相。

去幾何耶。

今日之漢土其爲漢種之漢土乎抑爲非漢種之土地乎今日之清國其漢種之清國乎抑爲非漢種之清國乎惟漢土爲非漢種所有故漢土之喪失割裂曰與我非漢種之休戚無關也惟漢種爲非漢種所奴曰小奴之孱弱凌夷與我非漢種之榮辱無關也且邇來非漢種之悍而愚者彼新倡一說曰漢人強滿人亡漢人瘠滿人肥於是滿人對漢人之手段愈毒而辣矣曰練兵以防賊滿之賊曰籌餉以剝漢人之膏血日禁言論以窒漢人之耳目日通強寇以爲滿人之保障任滿員以布滿人之爪牙暴厲恣睢無所不至嗚呼同舟之客共網之魚魚腹熟釜之災奚克免之抑何相逼之甚耶


雖然非漢種之遇漢種若是其酷猶可言也漢人中之謬種惟利祿之是知固顧大義不僅心滿人之心事滿人之事更從而揚其波焉變木加厲其酷更劇噫此誠堪痛心者矣夫燈之滅也由油竭國之亡也由人心死奴顏妾面於異族之下而曰忠戕殘同胞以媚異類而曰豪傑不顧前古義烈之呵責不畏千載下之唾罵昧彼心靈而惟財貨祿位是求其與犬彘牛馬之相去復何遠焉當甲午戰役之際盲人曾有曰『吾國欲席捲支那全國當以支

那人攻支那人。循英人滅印度。滿清滅明朝之故策。可也。支那人口稱四萬萬。其實渙散異常。以野蠻無知。人口不及千萬之滿洲種。尙足以制服之。況吾四千餘萬之大和民族。一卽日本一乎。誦讀之下。不禁心爲之寒。舌爲之咋。而胸欲裂也。茫茫神州。梟獍橫行。見披髮於伊川。不埃百年而再戎矣。

愛親覺羅朝之亡明也。曰藉洪承疇。吳三桂之流。洪吳輩皆明祀所倚信之大臣耳。使今日東西各國。苟欲有逞於中國。而探愛親覺羅氏之故智也。則二十一行省之封疆大臣。久居顯要之高官鉅吏。必皆洪吳矣。何也。彼等惟知聲色貨利。爵位威勢而已。聲色貨利。爵位威勢。所在何所。不可滿人與東西各強皆異族也。爲滿人奴。與爲東西各強之奴。復何異。耶。王船山曰。保軀而顧祿利。則亂臣賊子盜賊夷狄。抑何不可事之哉。斯語可以概今世之拖翎披珠者焉。



國民報  
社說



# 社說

## 亡國篇

亞之大陸。有一種焉。聚其若奴隸。若非奴隸。若國民。若非國民。雜焉糅焉。以成一國。不揣其本而齊其末。囂囂然號於衆曰。吾保國。吾保國。其能保也哉。已亡之人。而以亡懾之。奚怪其扞格也。吾不欲保之。惟欲亡之。其亡也勃焉。其興也勃焉。

吾甯使漢種亡。盡死。盡殺。盡而必不願其享昇平。舞河山。優游於韃靼之下。吾甯使志士殺盡。死盡。亡盡。而必不願其爲拿破崙。華盛頓。雄立於亞洲之上。由前之說。故悲漢種。由後之說。故箴志士。

悲夫悲夫。吾漢人之有今日也。雖然。則亦幸矣。漢人之衰。何兆乎。則戰國時兆之也。春秋之所謂白狄。長狄者。則支那之異種也。而盡亡矣。秦政用其盛。而漢種乃獨優矣。獨優則無競。爭於是乎。二因出焉。爭不烈。則智不進。而囂然自大之習。於以深。則民智不開。之說也。種競愈烈。國民之力愈張。彼君之心。旣不必慮外禍之來。於是惟家賊之是慮。則君權日張。之說也。秦政以力。項羽以殺。而天下之人。稍稍苦。劉乃術之。以緩劑而漢種乃衰亡矣。於是五胡

亂之。遼金繼之。雖然則半壁耳。至成吉思汗則蹂躪遍中原矣。雖然則九十餘年耳。天禍中原。犬狼雜至。一見我土地之美。物產之豐。遂覲然留之。徘徊不忍去。有俚焉。從而殺人以媚之。嗚呼。揚州十日。嘉定萬家。固各府縣之代表哉。此僅其始事耳。洪承疇。俚之於始。曾國藩。俚之於中。漢種之爲保彼一姓之位而死者。何止億萬。至於今。吾又見夫俚之者之於終矣。彼愚者之俚也。吾又何責。獨怪彼自命爲智者。亦從而俚之。則何說也。且充其術。亦足以保其所謂亡身變法之皇上矣。而獨忍於皇皇種族。乃使之永永沉淪。其非人心也哉。洪承疇。曾國藩。則固漢種中之才焉者也。惟其才也。乃足以濟其惡。嗚呼。漢種其死矣。雖然。吾漢種則又何以輕視之也。戰國之盛也。則衰之源也。今之衰也。其將興之機乎。然而欲興種則必先亡國。

今日之漢種。無所謂國也。彼白人之視我也。則曰支那。支那之國何在矣。而彼之所謂支那國者。則清國也。夫清國云者。一家之私號。一族之私名也。而以吾漢種冒之乎。吾怪夫今之所謂保國者也。覲然曰我中國。我中國。又曰中國將亡。我將保之。又曰中國將爲印度爲波蘭。夫中國之爲印度波蘭也。二百年於茲矣。今試問之曰。中國之政府何在矣。曰滿洲。夫既

云中國而政府乃滿洲也。豈吾神明之胄乃與彼韃靼渾乎。不然則漢種乃游牧水草者也。不然則奴隸也有內奴有外奴。俄內奴也。印度外奴也。內外兼至。是惟眞奴。漢種是已。北省之亂也。爲大日本順民者到處皆是有志者。聞之莫不深恨而恥之。夫亦何怪其然也。既可。以大金大元大清朝也。夫孰不可以大英大法而大日本使奴隸之根性種之未深則彼之臣妾億兆者又何能一日得安其位。旣爲張氏奴復強之使不爲李氏奴不可得也。夫亦力之是視耳。則吾見彼之倡言保國者之自盾其說也。

彼韃靼之入我中國也。其始旣橫加殺戮。慘毒不忍聞。其繼也分其醜類。遍我中國名之曰駐防。夫駐防云者則豈不以防我漢族哉。不使之自謀其生而坐食我膏腴。婚姻有滿漢。官階有滿漢。夫豈惟此。粵亂之起也。以漢攻漢。疊尸山積。而所保者滿洲也。團匪之起也。以漢攻夷。血流津京。所保者滿洲也。且二百兆之償取我漢民之錢。以保彼宴游之地。臺灣之割。夷我漢種之人。以保彼根本之地。今日又至矣。勝敗惟漢之是禍。而滿人坐享其利。無論異種稱王。斷無委施其前之理。卽以恩怨論滅此朝食。亦復何言。彼有恆言曰。吾甯以家產付之鄰友。而斷不與我家僕也。吾故曰。吾甯使漢種亡盡死盡。而斷不使之歌舞安樂於韃靼。

之下也。

幸而使支那將亡也。如其軍備足財用富。電線如絲。鐵路如織。如彼俄也。則漢種乃真永。永沉淪永永靡壞而無振興之日矣。夫俄之專制猶可言也。同類之爲也。支那之專制不可言也。異類之殘也。吾嘗有言。文明之事。文明國得之而愈。文明野蠻國得之而愈。野蠻則若海陸軍若電線若鐵路。使中國得之則適以制革命者之死命而阻其文明而已。是故戊戌之政變。中國之福也。而保國者乃從而痛惜之。曰不變則亡。夫所謂變者。豈僅如彼之所謂學校報章而已哉。豈僅如彼之所謂憲法政體而已哉。韃靼不死。盡無所往而非奴隸也。夫以言乎文野。則彼毳毼之俗。其較歐西爲何如矣。以言乎智愚。則彼游牧之習。其較歐西爲何如矣。同一奴也。與其爲野者愚者之奴。則盍爲智者文者之奴矣。是故本非外奴而後始可以奴懾之。旣奴之二百餘年矣。則必蕩滌其邪穢。斬絕其根性。斬之以刃。蕩之以血。夫而後可與言治也。是故不亡則興。不興則亡之。言斷不能施之於支那。以言支那則亡之。乃興亂之。乃治也。吾知非一大殺戮。則奴隸之根永不能除。而身家之念終不能亡。天下斷未有新舊雜揉而可與言國也。彗所以除舊布新也。舊之亡也。勃焉新之興也。勃焉支那欲立新國。

乎。則必自亡。舊始。

法之有拿破侖。美之有華盛頓。歐西人所稱爲大豪傑者也。吾嚮者處於內。見夫彼憂國者焉。撫膺太息曰。支那無拿破侖。無華盛頓。吾悲之。乃者遊於外。見夫彼志士者焉。則又隱然自任曰。吾支那之拿破侖華盛頓也。吾尤悲之。昔之悲也。悲其自棄也。今之悲也。悲其不自思也。彼其眞以法國革命爲拿破侖一人之力。而美之獨立。乃華盛頓一人之功乎。彼國民自爲其身家其始也。不知幾千百華盛頓拿破侖。忘生死擲頭顱以爭一日之命。而彼二人者。乃坐享其名。吾方竊竊焉怪之。而彼乃儼然自任。此則大惑不解者也。今試無慄悍無前之法民。則拿破侖何如矣。無十三州之自治。則華盛頓又何如矣。彼其若死若亡。無量數之華盛頓往矣。泯矣。寂寂焉無聞矣。上帝哀之。乃遣一二人焉。爲此無量數之代表。譬之則代數耳。聚千百之數。而代之日甲。日乙。此甲也。乙也。非一數所能成。必合十百千萬而始成也。明矣。而乃以拿破侖華盛頓爲一人乎。美之獨立。美之自治。爲之也。法之革命。法之民氣。爲之也。吾不敢謂今日之志士之才之力。其不能及華盛頓拿破侖也。以今日之中國。雖百倍於拿破侖華盛頓之才之學。吾知必無濟也。今不欲預造無量數之無名華盛頓拿破侖。而

乃汲汲自任爲有名之華盛頓拿破命。吾甚不願支那之有此人也。彼其心則亦專制而已矣。則亦好名而已矣。以謂吾發難支那未有之業。則我之名將垂支那而不朽焉。此非刻擬懸揣也。吾見志士當困極無聊時。俯仰自悲。其所以自慰者。乃在於不朽之名。以爲天之報施當不爽也。嗚呼。名者真動人之一術哉。刀鋸水火。死生所不能動者。惟名足。以動之。是故破生死界。則英雄也。破生死。則或不能破名矣。則尋常之英雄也。至名界而破也。則真英雄之英雄矣。英雄人知之。英雄之英雄人不知之。夫惟有不知之英雄。而英雄之名。乃賴以顯。則英雄者。英雄之英雄之奴隸也。是故心有罣礙。卽是奴隸。罣礙至於生死而極矣。乃有雖死猶生之一說。以罣礙之則。猶非無上乘也。吾願支那有英雄之英雄。而不願支那有英雄何則。有無名之英雄。而始有有名之英雄。未有無無名之英雄。而有有名之英雄也。吾敢正告志士曰。諸君子。既有志於拯漢也。則其以患難著想。而勿以華盛頓拿破命之功成名。立著想矣。其以亡國之志。士自勵。而勿以興國之志。士自揣矣。夫惟有必爲之志。氣濟之以難爲之思想。夫而後。可以成事也。不然。則一振而蹶。一蹶而不復振矣。吾觀於爭之故。而有說焉。蓋從功成名立。著想儼然。以將來之大統領自命。則喜心生。而忌心隨之矣。從事

敗身死。著想則懼心。生而虛心隨之矣。尤有進者。則所謂死生可破。而名心不可破也。吾願志士之勿以流芳百世自期矣。夫苟實見夫事所當爲。則爲之而已。豈有所希冀於一身哉。天下之是非有定乎。革命之起也。孰不謂之爲大逆不道。彼倡之者。豈預知將來之必尸祝之。戶禱之也。且夫爲大事而不以小事著手。則事必不成。小事云者。則無名而已矣。譬之則山然一抔之土。置於平原。誰則知之爲山也。積之積之。而山成。彼之見之者。則惟上之一抔土耳。然無下此者。則上之一抔又何賴焉。吾觀自古英雄皆入名牢。雖然。吾只以名求英雄。奚怪其然也。先人有言。小人惟恐其不好名。君子惟恐其好名。吾願世之君子。毋爲小人之所好焉。



國民報  
社說



## 時論

### 二十世紀之中國

吾習聞歐美日本人鄙我中國之言曰。老大帝國。吾又習聞歐美日本人忌我中國之言曰。二十世紀將爲支那人之世界。夫如鄙者之所云。則是我中國爲奄奄一息苟延殘喘。朝不保夕。束手待斃。是將亡之國也。如忌者之所云。則是我中國爲雄視宇內。威震環球。操縱萬國。陵轢五洲。是將興之國也。嗚呼。不興必亡。不亡必興。固我中國之前途也。歐美日本人其母鄙我。其母忌我。是在吾國民欲其亡則亡。欲其興則興耳。嗚呼。今日已二十世紀矣。我同胞之國民。其將何以自處也。

或曰。中國至二十世紀。而欲言興。毋乃晚矣。十九世紀之中。白晳種人既領澳洲。亞利。亞。又出其全力。分割阿非利加。洲。粒沙。寸土。皆有主權。於是登喜望之峯。睥睨全球。見夫太平洋東之大陸。可以染指。遂乃移戈東向。萬馬駢蹄。群趨併力。移其劇場於亞洲。六十年於茲矣。今既圈其土地。割其港灣。削其主權。監其政治。二千年文明之古國。久已爲列強俎上之肉。釜中之魚。其存其亡。不容自主矣。

且列強之亡中國也。視嚮者領澳割非專恃強力者異矣。其用無形瓜分之手段。愈巧而愈密。不然籍口義和聯軍。磨聚鋒銳所向。既已蹂躪京沽喋血。京畿卽使賈其餘勇。席捲中原。中國無以禦之也。胡爲遲徊審愼。息而言和。說者所列強相持。此猜彼忌。分割未定而起均勢之衝突。不如暫息徐議。其後且聯軍未撤。事牽掣於聯合司令部。不能各運其腕力。和成兵退解散。連衡始可各逞其志。取携任意。條約之事終而齷割之禍至。和成而國亡。隨之然而列強猶以此爲下策也。列強之意鑒於以猛力壓人國。其暴發也不可制。遠而美國之獨立意大利之自主。近而非律賓。蘭斯哇耳之抗拒。皆有勃然爆裂。莫能遏抑之勢。故其於我中國也。巧爲變計。盡寄權於其政府官吏。擒之縱之威之脅之。惟所欲爲。可以不勞兵而有人國今日之事。已重違其意矣。息而言和。正仍其寄權於政府官吏。擒之縱之威之脅之。故計也是故。二十世紀之中國。將長爲數重之奴隸矣。而欲言興。毋乃晚矣。然吾敢爲列強告曰。列強之所以擒之縱之威之脅之者。政府也。官吏也。政府官吏而外。我同胞之國民。固非列強所能盡擒之縱之威之脅之者也。吾又爲同胞之國民告曰。列強之所以假手於政府官吏而擒之縱之威之脅之者。非爲政府也。非爲官吏也。爲我同胞之國。

民也。是故我國民而必恃今日之政府官吏以圖存也。則長爲列強所擒之繼之威之脅之之具而中國之命運已煙銷雲散。隨十九世紀長謝於大地矣。我國民而知今日之政府官吏更爲列強所擒之繼之威之脅之之具。必不足恃以圖存也。則二十世紀之中國方將新發現於地球。轟隆颼舉之勢。列強方逆息歛足。莫敢正視而何有於興嗚呼。今日已二十世紀矣。我同胞之國民其將何以自處也。

且夫我中國固具有雄視宇內威震環球操縱萬國陵轢五洲之資格者也。方里二千萬國半於全歐。人民四百兆六倍於北美。開闢五千餘年有堯舜禹湯文武周孔之遺教。有英雄豪傑龍戰虎鬥之歷史。且地處溫帶。人性聰慧。國多平原。物產饒裕。皆地球萬國之所無。而我中國所獨有者也。由是而早進其國於文明。吾恐波蘭也。印度也。埃及也。土耳其也。其滅亡之束縛之壓制之監督之者不在列強。而在中國。也不甯惟是。即今日隣其鷹視張其狼牙攘臂奮袂號稱雄邦。爭我中國者亦將逆氣歛迹。怵我之威勢。憚我之權力。柔順屈從就我範圍。亦必然之勢也。而奈何反是。豈非肇興以來莫大之變局哉。蓋弱肉強食優勝劣敗天衍之公例也。今日固勢力競爭之世界。不日進化則日退化。無天可怨。無人可尤。我中

國。之。自。取。之。也。嗚。呼。今。日。已。二。十。世。紀。矣。前。事。已。矣。過。此。以。往。我。同。胞。之。國。民。其。將。恢。復。我。中。國。所。固。有。乎。抑。甘。隨。波。蘭。印。度。埃。及。土。耳。其。之。後。塵。且。等。而。下。之。乎。其。興。其。亡。決。於。今。日。請。一。道。其。自。取。之。由。而。一。規。夫。恢。復。之。路。我。同。胞。之。國。民。必。有。以。處。此。矣。

嬴。秦。暴。興。以。降。獨。夫。民。賊。無。代。不。作。率。皆。倣。蕪。公。理。私。土。地。人。民。爲。己。有。使。天。下。之。人。知。有。朝。廷。不。知。有。國。家。又。恐。其。民。之。秀。傑。者。不。滿。於。己。之。所。爲。乃。施。以。種。種。牢。籠。束。縛。壓。制。威。脅。之。術。以。便。其。私。圖。故。夫。學。術。者。所。以。智。民。也。而。民。賊。愚。之。取。古。先。儒。言。論。之。最。便。於。己。者。作。一。姓。機。關。之。學。術。利。於。民。者。闢。之。爲。邪。說。專。以。柔。順。爲。教。養。成。奴。隸。之。性。質。以。便。供。己。軛。束。役。使。之。用。是。故。中。國。之。學。術。爲。一。人。矣。而。中。國。無。學。術。政。治。者。國。民。公。共。之。機。振。也。而。民。賊。專。之。舉。一。切。用。人。行。政。之。大。權。悉。出。於。一。人。之。喜。怒。愛。憎。其。喜。且。愛。者。不。計。國。民。之。利。害。而。妄。行。之。其。怒。且。憎。者。不。計。國。民。之。利。害。而。擅。廢。之。於。其。喜。且。愛。之。人。則。可。加。以。非。常。之。寵。榮。於。其。怒。且。惡。之。人。則。可。處。以。無。名。之。殺。戮。是。故。中。國。之。政。治。爲。一。人。矣。而。中。國。無。政。治。法。律。者。國。民。之。公。器。稱。之。曰。國。法。非。一。家。之。法。也。而。民。賊。私。之。以。五。刑。爲。不。足。又。設。種。種。嚴。酷。慘。毒。之。制。恃。爲。威。脅。人。民。摧。鋤。士。氣。之。具。且。更。畀。以。私。號。曰。祖。法。曰。祖。制。是。故。中。國。之。法。律。爲。

一人也而中國無法律夫學術也政治也法律也其顯然易見者也他如種種不可思議之  
做政乃至不可以枚舉而中國之民馴伏柔順安之若素似性質然者馴至易姓受命之事  
而恬然不以爲怪吾知自茲以往種無論黃白人無論歐美能制我者我服事之人人自以  
爲定分而聰明神武深仁厚澤食毛踐土之文將永勞旁行象韃吉人之役矣嗚呼哀哉中  
國二千年之學術政治法律及一切一人一家之私教養成之者也此爲自取之遠因  
海禁滬開數十年矣締交通商者十餘國宣教之師鱗萃於腹地官設之校林立於都會遊  
學之士絡繹於歐美名都經商之民營集於環海各埠外交之官冠蓋相望於道則歐美爲  
政之本源致強之要道豈盡聳噴而絕無聞見哉然數十年來閉口結舌如癡如啞未嘗一  
做其政本以致強者何也商民與內地學子吾無責焉若夫遊學之士外交之官其與國家  
之關繫爲莫切矣乃其來也以鑽營奔走而得其志也以保舉薪俸而終故名爲外交官而  
周圍十丈使署以外無天地左右數人唯諾請安通譯以外無見聞一遞國書照例報漂謝  
恩以外無經濟名爲遊學生而聞鈴就膳鳴鐘上堂而外無事業語言文字器械工藝而外  
無學問風俗婦女飲食玩好而外無交遊然其初亦非盡無他志也中國人以柔順爲教特

別之奴隸根性已深入於腦漿一入文明程度極高之域莫不驚爲河漢無極而則效之心已消八九久居是邦偶發鄒衍談瀛之興亦或一探其政治彼國之人雖嫉吾而無暇詳告亦斷不肯自滅其文明之由來吾知美必曰脫英壓制獨立而強法必曰傾君之專制革命而強英必曰去貴族之箝制改革而強意必曰除澳之羈絆自主而強日必曰覆幕府之專政維新而強且必謂吾之所以能脫之傾之去之除之覆之者在種吾民革命之種子養吾民獨立之精神而可一言以蔽之曰民權而已是則我之外交官遊學生驟聞之而未有不駭怪腹誹者若柔順之學精奴隸之根性深者必又掩耳咋舌反訾爲離經畔道無父無君大逆不道之議論矣及其歸也人有以西政西學叩之者亦謾應之曰船械之堅利而已製造之精巧而已舉物質之文明而津津道之於精神之文明固未嘗夢見也卽有一二能知國強之由於民權者偶一語及而人之駁斥之痛罵之者不曰信奉洋教卽曰沾染洋習倡者一而攻之者千百億萬久之而熱力潛消亦遂灰心緘口而不敢復一言及於民權又其下者明知民權爲致強之本而與中國之私政私學爲不利一倡是說必犯大不韙而不容於衆於是違心易說巧營利祿而反博深通洋務之名嗚呼西諺有之自由之快樂非奴隸

所。能。知。今。可。易。之。曰。民。權。之。公。理。非。奴。隸。所。敢。言。嗚。呼。民。權。之。集。是。爲。國。權。民。而。無。權。國。唯。何。有。此。爲。自。取。之。近。因。

由。前。一。因。而。中。國。成。一。醉。生。夢。死。行。尸。走。肉。不。痛。不。癢。麻。木。不。仁。之。世。界。山。後。一。因。而。中。國。多。一。口。談。君。國。置。身。事。外。坐。視。旁。觀。以。國。亡。種。滅。供。其。談。助。之。新。寧。嗚。呼。外。之。相。逼。也。如。彼。內。之。自。取。也。如。此。坐。令。我。可。以。雄。視。大。地。之。中。國。而。延。頸。受。縛。岌。岌。不。可。以。終。日。豈。非。我。權。民。之。自。欲。其。亡。哉。

嗚。呼。今。日。已。二。十。世。紀。矣。我。同。胞。之。國。民。當。知。一。國。之。興。亡。其。責。任。專。在。於。國。民。世。界。萬。國。以。有。民。權。而。興。無。民。權。而。亡。者。踵。相。接。背。相。望。是。故。我。今。日。卽。不。念。亡。國。爲。奴。之。慘。亦。當。外。鑒。當。世。而。蹶。然。興。起。矣。夫。十。八。世。紀。之。末。十。九。世。紀。之。初。歐。洲。數。強。國。其。民。之。受。壓。抑。束。縛。奴。隸。牛。馬。暴。虐。殺。戮。固。無。異。於。中。國。之。今。日。也。然。卒。不。逾。半。世。紀。而。竟。脫。除。壓。抑。束。縛。之。禍。奴。隸。牛。馬。之。役。暴。虐。殺。戮。之。慘。皆。成。新。造。獨。立。之。雄。邦。者。豈。非。自。一。二。傑。士。昌。明。公。理。大。聲。疾。呼。起。通。國。之。民。心。勃。然。奮。發。而。致。之。者。乎。然。則。我。國。民。可。以。興。矣。

且。吾。聞。之。鑿。之。愈。甚。者。潰。之。愈。猛。壓。之。愈。暴。者。激。之。愈。烈。今。日。我。中。國。受。數。重。奴。隸。之。壓。抑。



亦云至矣。物極必反。惟理之常是故。我今日卽不外鑒於當世而自念亡國爲奴之慘。與其甘心俯首以順受之。而必不能免。何如併力一心。翻然變計。共謀圖存。而尙可有爲。况乎有先我而爲之者耶。昔者法蘭西之民受君主壓抑之禍。爲最慘酷。十八世紀之末。大革命起。倡自由平等之義者。聲震全歐。列國專制之君。聞風震駭。相與合從。求免覆亡。洎十九世紀之初。拿破侖陰用其力。將藉以席捲全歐。併吞列國。有天塹何懼。人力何畏之壯語。事卒不成。被竄荒島。於是列國乘之。締結維也納大同盟。主張君主專制之政體。將以全歐國力壓抑民權之說。豈知自由平等之主義。已浸淫於國民之腦筋。民政之黨。密布於全歐。主權在下之說。一倡百和。雲集景從。以反抗維也納之會議。一千八百三十年及一千八百四十八年。法國復大革命影響所及。列國民主黨一時并起。謀覆專制之政府。有沛然莫禦之勢。於是荷蘭王國由立憲政而議院政矣。丁抹國由專制政而立憲政矣。法澳二國。本民主旨義立憲法。開議院矣。由是而成。今日民權之世界。嗚呼。公理所在。固非人力所能壓抑也。使當日歐洲之民。甘受壓抑。屈從專制之下。亦未必有今日也。然則我國民可以興矣。

抑又聞之西諺。有言法蘭西革命之產地也。今我中國二十五倍於法。受禍之極。亦數十倍。

於法民權之運已渡太平洋而東日本既稍受其福我中國不憤不發斯亦已耳如睡斯覺如夢斯醒於二十世紀而效法人十九世紀之所爲吾知風聲所向全球震驚始而虎俄之專制爲之傾覆繼而自由平等之實幸轉移歐美世界和平之極點將起點於東方二十世紀之中國爲民權之樞紐矣

然而我中國之在大地固開闢最早文明最先之國也論其資格宜乎千年以前發明公理爲地球萬國之表率也久矣乃自由平等之義必待歐美諸國發明於百年之前至今日而我反始則效之且今日言之而盲瞽之徒猶竭力以詆毀之如是而立於世界之上其爲媿惡亦滋甚矣然而世界之公理不比較則出不競爭則不進自由平等之義固發明於歐美爲無比較競爭之故今日亦見其止矣雖然吾何爲是言也夫自由平等之國英與美其最著也其國內之政治未造自由平等之極者夥矣外著而易見者英之於脫蘭斯哇耳美之於非律賓豈自由平等之國所應出是哉無比較無競爭漸棄公理尋將還而流於專制矣我中國有如是之憑藉不得徒以致中國與歐美等爲盡我責也必使我中國之文明造乎極域風潮披靡於歐美轉令歐美之人自我而享自由平等之實福則我中國爲地球萬

胞。之。國。民。其。將。何。以。自。處。也。  
國。之。表。率。矣。亦。我。同。胞。之。國。民。二。十。世。紀。中。分。內。所。有。事。也。嗚。呼。今。日。已。二。十。世。紀。矣。我。同。胞。之。國。民。其。將。何。以。自。處。也。

# 時論

## 中國滅亡論

呼。團匪。颯起。聯軍。駢入。車駕。蒙塵。宗社。荆棘。此不過一姓之存亡而已。於我國民何關哉。余奔走未遑。奚暇論此。所痛者。二千萬里山河。已爲白種殖民之地。四萬萬黃種。已爲歐人注籍之奴。而我國民。愚蒙如故。渙散如故。醉生夢死。禽視鳥息。以爲中國。卽亡。亦不過十七朝之尋常鼎革而已。嘻。今日之事。豈復往古之例。所可同日語乎。且卽如往古之例。何求一。一姓之忠臣義士。如古之力抗異姓。百折不回者。而并不可得乎。然則吾國之民。其心已死。其氣已絕。聞唐宋元明之主。而君我國也。則我爲唐宋元明之忠臣義士。聞英德俄法之種。而君我國也。則我爲英德俄法之忠臣義士。此所以茫茫亞洲。絕少獨立之國。芸芸黃種。無一獨立之民。固無足怪也。

今試執一人而問之曰。國何以亡。則鮮不曰。君易其姓。朝易其名。則國亡。又試執一人而問之曰。今日之中國。亡乎不亡乎。則鮮不曰。西安之朝廷。儼然者如故。政府之號令。赫然者如故。操四萬萬蒼生。生殺之柄。握二十二行省土地財賦之權。今不過戰敗出走。一時失利而

已。及和議告成。則儼然大國也。內外大僚之所以歌舞太平者。依然宦官宮妾之所以供我奔走者。依然。內務府之膏粱錦繡。所以養我身體者。依然。若是者。而謂之國亡。是必喪心病狂者也。嗚呼。斯言也。何足與辯。然吾竊聞今日之亡人國者。有新例焉。向之亡人國者。必占其地。虜其君。戮其臣。而後已。今之亡人國者。則有其地。而弗守。卽以其君若臣守之。其所以然者。何也。驟占其地。則其民未必服。而治之甚難。故不如以土人守之。吾國向者之處苗民生番。卽用此道矣。且也。其君若臣。既有亡國之才。則留之無所害。若一旦去其亡國之君。則英明之主。出其國。終不得而亡也。若一旦去其亡國之臣。則愛國之士。進是其國。又不得而亡也。故吾國志士。每歎息痛恨於外人處置之不得其宜。而豈知外人之爲己謀者。固有所不得不然者。在乎由此觀之。則今日之中國。亡乎。不亡乎。

吾聞世界所謂完全無缺。獨立強盛之國。非徒以其土地之大。人民之衆也。恃其有特立不羈至尊無上之主權者也。世界之國。不論爲君主爲民主爲君民共主。凡有主權者。則其國存無主權者。則其國亡。故獨裁君主之國。其主權萃於元首。民主之國。其主權萃於國民全體之代表。君民共主之國。其主權萃於君主與議院。雖逼處之強鄰。不得而朘削之。暴戾之

政府不得而操縱之。闇弱之君主不得而放棄之。不軌之人民不得而干犯之。若是者乃謂之主權。若是者乃謂之有主權之國。

然則中國之主權果安在哉。謂其在君上耶。則爲權奸所禁。制已視爲贅疣久矣。謂其在政府耶。則儉安苟且。穀棘待斃者久矣。謂其在直省疆吏耶。則以官爲傳舍。唯幸洋人之不來。譴訶之未至。俯仰儉生。因循塞責者久矣。謂其在國民耶。則爲隸爲奴。流離瑣尾。分割未定。國籍無屬也久矣。故兵權者所以保護一國之權力者也。乃中國有兵而已不知練。中國有匪而已不知平。卒由外人越俎代庖。起而爲我鍊兵勦匪。是操我之兵權也。於是中國失兵權。法律者所以保護中國之安甯秩序。生命財產者也。凡其封域之中。人無論貴賤。種無論黃白。法律所立。皆有守之之責。乃中國有訟獄。外人得而會審之。中國有罪犯。外人得而懲罰之。是操我之法權也。於是中國失法權。海灣者爲一國文明野蠻貧富強弱之關鍵。公法離海岸三十哩以內。則爲領海。凡鉛舶入其領海者。惟其國之號令是聽。其慎重海疆爲何如乎。乃中國沿海要隘。莫不爲外人所占據。長江天塹。莫不爲外人所圈定。是操我江海之權也。於是中國失江海權。鑛山者一國之財源也。凡貨幣器用。悉於是賴焉。關稅者歲入之

大宗也。凡國中度支。多於是取焉。乃中國有鑛山。外人得而開採之。中國有關稅。外人得而抵押之。是操我財政之權也。於是中國失財政權。鐵路者。爲一國交通之樞紐。凡載運師旅。輸送糧械。搬運貨物。利濟商旅。悉賴於是。吾嘗考之列邦鐵路之制矣。有國有者。有民有者。國有者何。歸官辦之謂也。民有者何。歸私辦之謂也。然未聞爲外人有者也。乃中國之鐵路。悉爲外人所有。是操我交通之權也。於是中國失交通權。夫地球萬國。其興亡強弱之故。雖各有不同。然能操兵權。操法權。操江海權。操財政權。操交通權者。則土地雖割。而其國不亡。失兵權。失法權。失江海權。失財政權。失交通權者。則土地雖存。而其國實亡。乃中國兼此數者。猶日號於衆曰。不亡。誰其信之。至若深宮之默許。政府之密約。疆吏之暗失。使臣之陰從。怪怪奇奇。不可思議之約章。雖非草野寡陋不曉朝事者。所可根究。然一則曰。量中華之物力。結友邦之歡心。非皇皇之聖訓乎。一則曰。與其與奴隸。不如贈朋友。非良相之嘉謨乎。故戊戌以後。宗旨已定。拳匪之役。其願已償。彼無識之徒。猶日號於衆曰。中國未亡。誰其信之。乃無何。而又變法之諭。無何。而又督辦政務處之設。於是向之高談革命。昌言勤王者。莫不感激歎獻。且欣欣然。喜色相告。一若中國有中興之望也者。嗚呼。冢中枯骨。豈足有爲。

亡國。大夫難與圖存。而乃以新政望之。是何異印度之百姓。望酋長之自立。滇黔之苗。獠求土司之變法乎。在稍有知識者。應知其必無是事矣。吾同胞。其有以處此矣。

且國之所以立者。賴有一定不移完全無缺之疆域。故國之有疆域。猶室之有界址也。文明之國。雖人煙稠密之區。市井衝繁之地。凡甲屋界址與乙屋界址之距離。必互以三尺爲限。載在民法。其通例也。惟國亦然。故瑞士雖小。固於衆大國之間。其疆域如故也。葡萄牙雖弱。翹於大西洋之濱。而疆域如故也。中國則不然。不唯旅大膠威臺澳香港廣險要之港灣。已爲異族所宰割。且舉所謂滿洲發祥之地。亦拱手而讓之俄。嗚呼。今日之密約。雖拒其如往日之密約。何一時之密約。雖廢。其如無窮之密約。何。吾知一轉瞬間。不獨滿洲而已。且將率其慄慄淫淫之可薩克。以席卷內外蒙古。進克新疆。建瓶而下。秦晉幽燕之郊。一戰而長城失。其險再戰。而黃河斷。其流當此時也。雖聚中國十八省之精銳。將無以禦之。固不待智者而後知也。且也。當此之時。德必驅膠州之兵。以占山東。英必發香港印度之兵。以據大江南北。諸省會法。必率安南廣州灣之衆。以取兩廣雲貴之地。日必起台灣澎湖之師。以據閩浙。而進圖江西之南部。其外若美若伊若比及一切無名小國。亦將染指於我國焉。嗚呼。搏搏大



陸○白○人○縱○橫○哀○哀○衆○生○螻○蟻○同○命○從○此○萬○國○地○圖○永○無○支○那○之○稱○斯○時○吾○國○人○士○始○駭○然○知○吾○國○之○亡○而○豈○知○有○形○之○亡○亡○於○瓜○分○無○形○之○亡○亡○於○今○日○譬○之○某○甲○之○田○售○之○某○乙○則○其○田○亡○瓜○分○之○謂○也○某○甲○之○田○押○之○某○乙○而○某○甲○已○爲○乞○丐○萬○無○可○贖○之○理○則○其○田○亦○亡○今○日○之○謂○也○

夫○常○人○之○情○以○敝○縕○袍○一○襲○爲○人○所○持○去○且○有○不○能○忽○然○者○以○其○愛○之○所○鍾○權○之○所○屬○也○其○乃○以○數○千○年○蓄○息○生○存○衣○食○父○母○之○邦○一○旦○爲○二○三○聾○瞽○拱○手○授○之○他○人○而○我○國○國○民○竟○今○唯○聽○命○不○敢○與○聾○瞽○之○徒○論○其○是○非○而○爭○其○得○失○是○視○數○千○年○蓄○息○生○存○衣○食○父○母○之○邦○而○敝○縕○袍○之○不○若○也○其○所○以○然○者○蓋○屈○於○專○制○之○下○譬○之○產○業○爲○豪○奴○所○奪○久○遂○以○爲○豪○奴○所○固○有○而○忘○其○所○自○來○焉○抑○吾○聞○之○美○法○意○希○日○本○各○國○先○亦○失○其○產○業○徒○以○爲○民○者○不○忍○聽○其○放○棄○遂○萬○衆○戮○力○起○而○奪○之○豪○奴○之○手○不○觀○之○美○乎○其○初○受○英○之○壓○制○蓋○無○異○於○今○日○之○中○國○一○千○七○百○七○十○五○年○十○三○州○志○士○若○戎○阿○丹○士○若○惹○希○邇○遜○若○富○蘭○克○林○等○開○國○會○於○費○拉○地○費○舉○華○盛○頓○爲○大○都○督○起○兵○以○拒○英○飛○檄○四○方○法○人○義○之○舉○師○以○助○血○戰○七○年○卒○得○獨○立○爲○世○界○第○一○等○之○共○和○國○不○觀○之○意○乎○自○維○也○納○會○議○以○來○尙○爲○奧○國○所○箝○制○其○諸○州

君長。惟奧命是從。且藉其威力以滋殺戮。志士痛之。仰天號泣。奔走呼救。以倡意大利統一之說。其後當法國之革命。及日耳曼之變動。影響所及。波於半島。意人遂離奧自立。而渙散各州。遂一旦歸於統一。不觀之法乎。法之敗於德也。幾不國矣。其國志士憤政府之無能。慨帝政之腐敗。乃開國民議會於波爾登。於是黨派叢集。定謀決策。割二州以和德國。廢帝政以易民主。未幾而雄長歐洲矣。不觀之希臘乎。隸於土耳其之版圖者。四百有餘年矣。以土人待之殘忍。乃於一千八百二十年舉國以抗土。卒賴各國之助。而以黑子彈丸。巍然獨立於地中海。又不觀之日本乎。明治維新之初。藩閥之臣。恃其覆幕之功。把持政權。當是時也。學校之所培植者。無非薩長之子。府縣之所登庸者。無非薩長之士。內閣之所出入者。無非薩長之黨。舉國擾擾。幾蹈幕府之覆轍。板垣退助憂之。乃大倡自由平等之說。奔走遊說。遍於國內。卒成大黨。名曰自由。於是各政黨接踵而起。以要求政權。監督政府。遂得於明治二十二年。發憲法開議院矣。我東方之有憲法議院。自日本始也。

由此觀之。凡國之所以因禍而爲福。轉敗而爲功者。必賴千百志士。不畏艱難。以肩鉅任。殺身以易民權。流血以購自由。前仆後興。死亡相繼。始能掃蕩專制之政治。恢復天賦之權利。

此。今。日。民。權。之。世。界。所。由。來。也。嚮。使。各。國。之。民。忍。受。束。縛。而。無。反。抗。之。力。則。所。謂。合。衆。國。者。今。猶。一。印。度。所。謂。意。大。利。者。今。猶。一。波。蘭。法。已。爲。德。所。滅。希。卒。爲。土。所。制。而。日。本。政。治。之。專。制。固。無。論。矣。

然。則。天。生。豪。傑。去。人。不。遠。固。非。我。國。民。而。獨。爲。滅。亡。之。國。民。亦。非。彼。國。民。而。獨。爲。強。盛。之。國。民。也。故。有。志。士。則。興。無。志。士。則。亡。今。試。問。美。國。何。以。強。則。必。曰。有。華。盛。頓。富。蘭。克。林。等。而。強。又。試。問。法。國。何。以。強。則。必。曰。有。齊。威。耳。甘。畢。達。等。而。強。更。試。問。意。希。日。三。國。何。以。強。則。必。曰。意。以。加。利。巴。爾。等。而。強。希。以。嘉。納。利。司。等。而。強。日。以。板。垣。退。助。等。而。強。故。中。國。而。有。志。士。如。美。法。意。希。日。者。卽。我。中。國。亦。美。法。意。希。日。矣。特。患。其。沉。溺。於。利。祿。之。中。而。不。能。自。脫。耳。

未完

# 時論

## 中國滅亡論

續前期稿

歐美日本之政治家。掉三寸舌。持三寸管。或登演臺。或著報紙。似嘲似諷。似惋似惜。謂支那人視國家若秦越。興亡隆替。渺不相涉。壹若鳥獸。不可與同羣者。而天然之團結力。遂瓦解冰泮。故支那於世界有四萬萬國之稱。嗚呼。我國人豈無羣哉。誰謂爾無羊。三百爲羣。誰謂爾無牛。九十其犝。於是亞洲大陸之牧場。已儼成一。或降於阿。或飲於池。之圖畫矣。無他。惟無政黨之故。

我中國自開關以來。無黨如史家所載三君八俊八顧八及八厨之屬。在一部十七史中。非不黨禍迭見也。然卽有數千百人。薈萃名流。痛詆時政。究之匿迹門巷。呶呶唔唔。其思想無有出於獨裁君主之外。而可以進退政府者。故雖以歐陽永叔持論之平。亦不過曰。黨分君子小人而已。未見其言黨與政府有直接之關係者。張儉何以望門投止。杜根何以忍死須臾。致一頒大赦。黨人之詔而團結之力。立解而欲如法之民主黨。德之社會黨。俄之虛無黨。可以與政府相持不下者。已渺不可復得其宗旨。誠不外標榜名稱。表吾高尚之跡云耳。故

曰。我。中。國。自。開。闢。以。來。無。黨。

百年以來。有所謂白蓮哥老三合大刀小刀安清道友義和拳民等野蠻集會。出沒於沿江沿海各行省。其數之多。無慮數千百萬。其勢力雖充足。至於糜爛六百餘名城。若咸同洪楊之亂。尙不能組織一政府與地球各大國通玉帛往來。遑問今日以亡國之將敗軍之師之乞食於敵人者乎。吾嘗縱觀其間。叩其宗旨。莫不曰。吾將反清以復明也。噫。嘻。明之弊政。何可縷指與其復一獨裁君主之明。何如仍此獨裁君主之清。反無殺人流血之慘乎。且不止此也。其宗旨亦不過震震鑠鑠。慷慨談之。究之所謂反也。復也。亦並不能踐。蓋欲借此名以聚衆而遂其攻擄劫奪之私願而已。黨且不可。何況於政黨。

中國時士。視朝野之趨向。強分守舊維新等名目。既而於守舊維新之下。加一黨字之稱。吾不知守舊者於何年何日。曾於何處。布結黨之儀式。維新者亦於何年何日。曾於何處。宣言結黨之宗旨。何竟如青天霹靂。平地風波。而中國忽一躍有兩黨之稱焉。但聞浮名未見實際。其爲守舊者自稱歟。維新者自稱歟。抑不新不舊所謂中立者誤稱歟。吾滋惑焉。然則所謂守舊者。亦不過幾許聾聵無知頑固昏謬之徒。死守幾經劫餘之祖宗成法。朝堂齷齪。鄉

里謾罵作蚊蚋之汙渠一閔而已。非真有黨也。所謂維新者亦不過幾許相傾相軋無能無爲之輩。誤解自由平等之字義。匿跡租界。飄蓬海島。作山海經之所謂山膏而已。非真有黨也。較哥老三合秘結密社之團結力等之。此輩之中。反不如彼之能恪遵其十條十款。延其集合於數十百年以至今日。而彼猶膠膠然稱之曰新黨。曰舊黨。不亦恬不知愧耶。

吾居東。又習聞僑寓經商於南洋日本有所謂革命黨者。有所謂保皇黨者。蟻集蜂屯。紛紛嘖嘖。而性猶湍水。宗旨無定。朝秦暮楚。反覆無常。究之無教育無思想其慕功名者。遂有非后胡戴之思其不足與功名之人往來者。乃生鋌而走險之志。非眞能討論革命勤王之孰是孰非也。且有不知革命勤王之爲何解者。亦昧然從而叫囂不絕。如醉如夢。有若病狂。天獨生此星羅碁布南洋群島之英領土與一字長蛇東海三島之日本國爲支那人談革命勤王之地。昔波蘭求救英人之文引英相馬堅拓之言曰。吾甯以英倫之島爲天下言獨立者之逋逃藪。嗟我同胞。試觀波蘭其果獨立否耶。已固不振而望於人。雖有萬島以爲支那人。跼天踏地之場。其何補哉。其何補哉。且若輩中之首領。非眞能如德儒李拔之所言也。德儒

李拔所著政黨首領論連篇累牘閱者可檢閱之

其所謂君恩未報者亦既讀書萬卷儼然爲一代之經師而又深

鑒。夫。支。那。四。萬。之。同。胞。之。腦。氣。筋。各。具。一。事。父。事。君。家。奴。走。奴。之。性。質。於。是。以。對。病。下。藥。之。名。醫。自。居。而。求。便。於。我。功。名。之。想。究。之。所。行。所。爲。不。過。書。生。之。見。如。梁。山。泊。所。謂。白。衣。秀。士。王。倫。而。已。迨。至。一。經。挫。折。遂。至。舉。平。日。所。視。爲。身。心。性。命。者。一。擲。而。不。復。顧。曰。君。恩。曰。友。仇。豈。恩。仇。之。已。報。而。責。任。之。果。盡。耶。何。其。前。之。勁。而。後。之。餒。也。天。姬。侍。宴。衆。仙。同。日。詠。霓。裳。稚。子。候。門。同。作。天。涯。淪。落。客。吾。不。知。拿。破。盞。流。於。幽。爾。巴。海。島。時。其。境。遇。與。彼。若。何。嗚。呼。休。已。至。若。以。顛。覆。政。府。自。命。者。其。宗。旨。非。不。正。也。非。不。美。也。而。自。吾。觀。之。其。人。蓋。老。於。世。故。者。流。逆。知。世。界。民。權。之。動。機。或。將。航。太。平。洋。而。達。於。支。那。大。陸。除。非。由。各。強。國。瓜。分。終。古。爲。等。於。印。度。之。奴。隸。萬。無。有。以。一。人。自。民。間。而。能。爲。昔。日。之。所。謂。漢。高。祖。明。太。祖。者。於。是。開。創。君。主。之。念。遂。絕。乃。陽。襲。民。權。革。命。之。名。號。以。自。便。其。私。圖。然。吾。何。故。而。得。其。證。據。哉。蓋。見。夫。華。盛。頓。倡。美。國。之。獨。立。不。聞。以。一。身。而。逃。至。他。邦。阿。庚。阿。度。與。美。國。開。兵。端。不。聞。以。一。身。而。匿。跡。異。國。彼。豈。不。曰。艱。難。風。雨。人。嘗。之。而。他。日。之。萬。古。隆。名。吾。將。以。一。人。當。之。乎。此。其。心。究。與。專。制。何。異。耶。及。吾。細。察。若。輩。舉。動。亦。並。非。有。公。理。公。義。之。不。容。已。而。爲。國。民。奔。走。者。其。籠。絡。人。才。假。仁。假。義。口。是。心。非。則。梁。山。泊。宋。江。之。替。人。也。天。爲。中。國。生。黨。人。天。並。爲。中。國。黨。人。生。首。

領其福我中國哉。抑禍我中國哉。吾不才不得而論斷之矣。借曰政黨則如吾向之所述。哥老三合等會。誰非政黨。

且夫世界文明之邦。其民之所以能革獨裁專制之亂政。脫壓抑羈絆之巨禍。享自由平等之幸福。操代議監政之實權者。豈有他哉。是必先有豪傑之士。其威望及於一部之國民。率彼以化導一國之輿論。公議而日進於文明。以結成一公黨。爲彼野蠻政府之勁敵。卒能組織內閣。出入國會。以統轄一國之人民。而一國驟至昌盛。此一定不拔之原因也。惟自一千八百十五年。有維也納之會議。歐洲列國。遂變當時之政策。而欲復十七紀之舊觀。推其意蓋欲改正法國革命猛烈之旨。以息人權自由之說。其政權仍歸於君主貴族之手。然卒不五十年。得令專制之政。掃地無餘。蓋因革命之旨。已播厥種於全歐人之腦質中。而其中之傑出者。乃得乘此時。組合政黨。使維也納之議。終歸烏有。嗚呼。何其志之堅也。及反而觀之。於支那如吾向之所述。其無志者。則刦而已。乞而已。卽稍有志者。其始旣爲功名而來。則非有萬死不顧之志。歲寒松柏之操。是不過數月一時之成敗。縈繞於彼靈臺。以爲無端之喜戚。而欲遽望彼以爲國民造福。是何異羣貓以獵鼠。僅足飽貓之一腹。已哉。嗚呼。亡國之一



大原因不誠在此不在彼耶。

綜而論之。支那人有四病焉。曰妒。曰專。曰詐。曰怯。自南宋時受互相傾軋之感。冒至今不衰。故苟有兩團體。則鬩牆之禍。作而禦侮之念。銷而其所爭者。以小利益成。大寇讐。否則事非成於我手。必竭智以傾倒之。冤冤相報。無有甯已。此妒病也。以天下之大事。作一人之功名。若登泰山之巔。視行路人。皆成螻蟻。舉可以指揮自如者。則衆叛親離矣。此專病也。以詐行誠。則合羣之道。備焉。以誠行詐。則勝敵之術。粹焉。而以待敵者。處羣是舉。天下而皆爲我敵也。此詐病也。自有虛無黨。而俄王食息之頃。若履春冰。覘國者。乃許俄民之必興起也。支那人。則逋客而已。此怯病也。自有四病。則黨不成。黨不成。則雖海軍若英法。陸軍若俄德。而國亡終無以球嗚呼。此吾所以長太息痛哭於支那之前途也。

# 時論

## 支那滅亡論

吾聞夫一國之驟興必有無名之英雄出焉。故雖以支那今日之情形亦未可先事而論斷。安知異日東方之華拿其名字尙未貫注於亡人之耳。今乃屑屑焉以魚餒肉敗之政府。蜂屯蟻聚之黨人。少見多怪。刺刺不休。腸一日而九迴。何所見之不廣也。然在閉關自守之初。欲開闢一小天地。則卽此小天地中之教育似無不可以潤色鴻業以收濟濟人才之盛。由是洒上亭長乃至貴不可言。淮陰少年亦可登壇選將。今試問二十世紀之中國爲何時乎。美國未革命以前其政治之教育與英人等法國未革命以前其政治之教育亦與歐洲各國等此興國者之往蹟而支那之所無也。猶太印度無政治教育此亡國者之往蹟而支那人之所獨有。惟問意大利之統一。日耳曼之聯邦。十三州之獨立。以前各國之歷史當時所以鼓動一國國民獨立不懼之精神。而倒母國廢君主殺貴族抗強鄰上至議院典型下至地方制度。往往於兵連禍結之時創體國經野之業。於時所謂人傑者其道德學問一切具如何景象。嗚呼。此卽所謂無名之英雄。當時其名不彰而彪炳於今日之世界歷史者也。若

今日之中國既合一國人之腦質融洩於詞章八股之中吾見恒有披地圖不知亞細亞爲何地覽歷史不知畢士馬克爲何人亦貿貿然侈談經世偉業者由是侈言民氣則曰殺人與談行軍則曰湘勇告以有各大國之承認然後可以獨立彼既不知承認爲何解卽知之亦無不曰安得有是事乎但知十年以來未有以鬧教能逞其志者彼惟知鬧教之不可此卽我中國無名之英雄近來之進步如是而欲遽責彼以經國之偉略甯不知支那今日尙是歐洲十四五世紀時之世界與今日歐洲之世界其文明之程度相隔尙五六百載是必於支那未倡獨立以前先令地球各大國一改所有之國際法一一就於支那人腦質中所<sub>有</sub>之習慣或不至徒襲獨立之空名而抱杜蘭斯哇兒非律賓之餘痛然杜蘭斯哇兒非律賓其舉動尙無有一文明之敵非無英雄非戰之罪不過其國之地位遜於亞洲大陸而已若驅今日支那之英雄而上二十世紀之演劇臺上未有不以其英雄而亡其國者故以支那人對於支那無名之英雄其令人畏懼之迹未有不勝於英俄德法者也其亡其亡無可疑也

或者謂日本三十年以前其所以破除排外之思想而成維新之盛業者直以伊藤博文并

上馨之遊學爲之起點。故支那當以留學生爲一線之生機。而從不敢以此阿其所好也。夫以支那留學生之敢於今日專制政體之下而毅然談革命排滿洲者。決不得謂非昔日派英派美中錚錚之鐵而又絕不敢謂此卽他日國民中樞風沐雨以倒滿樹政者也。何則。伊藤井上之所以能立殊勛者。以迫於國之危急存亡而後出。既非出而後知其國之已瀕於危險。則與今日口頭革命以博通達之名。低首而求膏伙圖保舉者。其遊學之初心固自有差別。雖然。吾豈爲是言。以概今日之留學生哉。苟無留學生。則東方之病夫不必英法俄德之聯軍。吾亦將滅此而朝食。苟無留學生。則如今日腐敗之公使羅豐祿伍庭芳其人者。亦並不可得慰情聊勝。無彼覘國者聞之。或亦作此中萬有一人之想。由是觀之。則支那之政。府與國民。旣於甲午以還。爲外人所盡測。而留學生之一部。尙爲世界上隱秘不可窺之國。然則留學生。苟自振拔。豈非吾輩所尸祝而櫓俎之者哉。蚩蚩愚民。旣非做買辦。西崽。不出國境。有之。則今日數十百人之留學生。是也。合全國國民之膏血。歲納數萬萬金。以養民賊。乃傾歸墟之水。僅得滴此一勺餘潤。以爲國家培植人才之用。是此數十百人不啻費國家數萬萬金。以爲求學之費。其責任固何如者。嗚呼。往事已矣。前此英美之留學生。所謂東流。

之。水。吾。不。復。論。惟。吾。甚。願。其。勿。援。成。例。逮。籍。於。泰。西。前次派美學生中勿。作。教。徒。榮。膺。其。博。士。前此學生中有為傳教博士臨。別。贈。言。今之派美學生近當。刮。目。以。相。待。也。且。夫。留。學。中。士。者近頃信教者亦復有之臨。別。贈。言。日始於日本東渡當。刮。目。以。相。待。也。且。夫。留。學。中。人才。之。盛。直。以。東。京。為。首。屈。一。指。即。如。倡。民。權。而。就。戮。於。張。之。洞。余。廉。三。之。手。者。亦。以。十。餘。人。計。不。可。謂。不。雄。矣。雖。然。以。俄。羅。斯。近。日。之。倡。革。命。抗。政。府。戮。力。同。心。以。求。有。濟。者。視。吾。支。那。之。學。生。為。何。如。乎。孔。子。曰。先。行。其。言。而。後。從。之。革。命。之。口。頭。禪。吾。斷。不。肯。頂。禮。膜。拜。抑。吾。聞。之。以。文。明。之。形。而。下。者。而。濟。野。蠻。其。亡。國。之。速。率。不。次。於。光。與。電。諸。君。子。非。學。於。法。律。行。政。陸。軍。警。察。之。學。者。哉。以。之。輔。滿。人。則。誠。子。孫。帝。王。萬。世。之。業。矣。其。如。我。漢。族。之。萬。劫。不。復。何。故。以。政。府。而。亡。中。國。以。列。強。而。亡。中。國。以。義。和。拳。而。亡。中。國。則。中。國。將。亡。而。不。至。於。遽。亡。以。留。學。生。而。亡。中。國。則。誠。我。之。所。不。忍。出。諸。口。者。也。嗚。呼。羅。豐。祿。伍。庭。芳。偷。源。源。不。絕。於。日。美。之。留。學。生。乎。則。支。那。不。亡。又。何。待。偷。今。日。日。美。之。留。學。生。偷。僅。優。於。伍。庭。芳。羅。豐。祿。乎。則。四。萬。萬。人。終。泯。泯。禁。禁。於。狗。種。獠。孫。專。制。政。體。之。下。而。支。那。不。亡。又。何。待。而。況。有。三。年。肄。業。不。曾。入。一。學。校。之。門。而。欲。憑。空。以。求。一。卒。業。之。證。書。歸。以。驕。其。妻。妾。者。哉。語。曰。兔。死。狐。悲。物。傷。其。類。使。留。學。生。而。如。死。於。湘。鄂。者。也。吾。誠。悲。之。使。留。學。生。而。果。以。此。名。為。贅。疣。也。學。云。乎。

哉。文明之嚆矢。云乎哉。革命之種子。云乎哉。母亦爲伊藤井上等所竊笑乎。敢以春秋責備之義。附諸支那滅亡之篇。非謂支那亡於留學生之手也。蓋謂留學生有可以亡國之才是或一說。

嗚呼。天厭支那。如此其酷。其政體之得失。固已連篇累牘。已爲婦孺所共知。而所謂志士者。又復如嫖母無鹽之姬妾。爲主人所唾棄。閉以幽室。不召幸者。已隔歲年。而彼猶日施脂粉。冀復專幸於六宮。粉黛之中。乃攷厥由來。其主人蓋殺彼之生父母。行刼以得彼者也。波蘭之亡也。以死戰而亡之。烈者也。非律賓。杜蘭斯。哇兒之亡也。於欲獨立時而亡之。傑者也。印度之亡也。亡於文明國之手。支那之亡也。以四千年神明之胄。亡於彼游牧水草之民。旣爲世界歷史中所僅見。而其最可駭者。亡之旣已數百年。忽遇可脫羈絆之一日。復生一輩。謬種志士起而爲吾向者所謂嫖母無鹽之姬妾。此眞新發明之志士。所可傲地球萬國之所無者也。夫美之志士。脫母國而賴以不亡。法之志士。廢君主而賴以不亡。日本之志士。尊其同胞同種之王。而賴以不亡。此興國之成例也。惟支那之亡之奇。惟支那所生志士之奇。吾故曰。吾國之民。其心已死。其氣已絕。其無恥之態。爲印度猶太人之所不忍出聞。唐



來文

正仇滿論

梁子既主立憲政體。又爲積弱溯源論。曰。真有愛國心而具特識者。未有仇視滿人者也。嗚呼。梁子迫於忠愛之念。不及擇音。而忘理勢之所趨。其說之偏宕也。亦甚矣。夫今之人。人切齒於滿洲。而思順天以革命者。非仇視之謂也。屠劍之慘。焚掠之酷。鉗束之工。聚斂之巧。往事已矣。其可以仇視者。亦姑一切置之。而就觀今日之滿人。則固制漢不足。亡漢有餘。載其。砦窳無一事。不足以喪吾大陸。今夫官吏之溺職者。則取而廢黜之。非有所仇視於官吏也。人民之殺人行劫者。則執而斷斬之。非有所仇於人民也。今滿人之闖茸者。進不知政。退不知農商。睚眦。狂狀若鹿豕。惟賴宗祿甲米爲養。而一二桀黠者。則一切取吾漢人之善政。而顛倒更張之一切。取吾漢人之賢俊。而芟薙鉏刈之。然則所謂溺職者。與所謂殺人行劫者。其今之滿人。非耶。雖無入關以來。屠劍焚掠。鉗束聚斂之事。而革命固不得。不行奈何。徒以仇視之見。狹小漢人乎。觀梁子所論。以路易十四比乾隆。以擁護一姓私產。而不爲國民全體罪。曾左諸公。其知滿洲全部之當去也。明矣。所極不忘者。獨聖明之主耳。夫其所謂聖



明之主者果能定國是厚民生修內政禦外侮如梁子私意所料者耶彼自乙未以後長慮卻顧坐席不煖者獨太后之廢置我耳殷憂內結智計外發知非變法無以交通外人得其歡心非交通外人得其歡心無以挾持重勢而排沮太后之權力故戊戌百日之新政足以書於盤孟勒於鍾鼎其迹則公而其心則祇以保吾權位也曩令制度未定太后天殂南面聽治知天下之莫予毒則所謂新政者亦任其遷延墮壞而已何也滿漢二族固莫能兩大也今以滿洲五百萬人臨制漢族四萬萬人而有餘者獨以腐敗之成法愚弄之錮塞之耳使漢人一日開通則滿人固不能晏處於域內如奧之撫匈牙利土之馭東羅馬也人情誰不愛其種類而懷其利祿夫所謂聖明之主者亦非遠於人情者也果能敝屣其黃屋而棄捐所有以利吾漢人耶藉曰其出於至公非有滿漢畛域之見然而新法猶不能行也何者滿人雖頑頓無計而其怵惕於漢人知不可以重器假之亦人人有心矣頑頓愈甚團體愈結五百萬人同德戮力如生番之有社寮是故漢人無民權而滿洲有民權且有貴族之權者也雖無太后而掣肘者什伯於太后雖無榮祿而掣肘者什伯於榮祿今夫建立一政登用一人而肺腑睜近之地羣相讙曉朋疑衆難雜沓而至自非雄桀獨斷如俄之大彼得

者固勿能勝是也。共驩四子於堯皆葭。季姻婭也。靖言庸回而堯亦不得不用之。今其所謂聖明之主者其聰明文思果有以愈於堯耶。其雄桀獨斷果有以儕於俄之大彼得者耶。由是言之。彼其爲私則不欲變法矣。彼其爲公則亦不能變法矣。進退無所處而猶隱愛於此一人何也。梁子又曰。今之民賊其在漢人者。往往而有。非獨滿人然也。夫漢人之有民賊固也。彼思今之漢人判渙無羣。人自爲私。獨甚於漢唐宋明之季者。誰致之而誰迫之耶。吾以爲今人雖不盡以逐滿爲職志。或有其志而不敢訟言於疇人。然其輕視韃靼以爲異種賤族者。此其種性根於二百年之遺傳。是固至今未去者也。往者陳名夏錢謙益輩。以北面降虜。貴至閣部。而未嘗建白一言有所補助。如魏徵之於太宗。范質之於宋祖者。彼固曰異種賤族。非吾中夏神明之胄所爲立於其朝者。特曰冠貂襲青紫而已。其存聽之其亡聽之。若曰爲之馳驅效用而有所補助於其一姓之永存者。非吾之志也。理學諸儒如熊賜履魏象樞陸隴其朱軾輩。時有獻替而所因革未有關於至計者。雖曾胡左李之所爲。亦曰建殊勛博高爵耳。功成而後於其政治之盛衰宗社之安危未嘗有所籌畫焉。是并梁子所謂擁護一姓者而亦非其志也。其他朝士入則彈劾權貴出則搏擊豪彊爲難能可貴矣。次即

東身自好優游卒歲以自處於朝隱而下之貪墨無藝怯懦忘恥者所在皆是三者雖殊科要其大者不知會計之盈絀小者不知斷獄之多寡苟得稟祿以全吾室家妻子是其普通之術矣無他本陳名夏錢謙益之心以爲心固二百年而不變也明之末世五遭革命一命之士文學之儒無不建義旗以抗仇敵者下至販夫乞子兒童走卒兀志不屈而仰藥剗刃以死者不可勝條也今者北京之破民則願爲外國之順民官則願爲外國之總辦食其俸祿資其保護盡順天一城之中無不牽羊把茅甘爲貳臣者若其不事異姓躬自引決縉紳之士殆無一人焉無他亦曰異種賤族非吾中夏神明之胄所爲立於其朝者特曰冠貂蟬襲青紫而已其爲滿洲之主則聽之其爲歐美之主則聽之本陳名夏錢謙益之心以爲心者亦二百年而不變也然則滿洲弗逐而欲士之爭自濯磨民之敵愾效死以期至乎獨立不羈之域此必不可得之數也浸微浸衰亦終爲歐美之奴隸而已矣非種不去良種不滋敗羣不除善羣不殖自非躬執大彗以掃除其故家汙俗而望禹域之自完也豈可得乎梁子又曰歐洲列國常有君統乏嗣而迎立異國之公族以爲君者故知中國積弱之源非必由於滿人之君天下也夫歐洲各國大抵出於日耳曼種偷通賽而脫等百種千名所在殊

狀。而。其。文。明。程。度。大。略。相。等。且。其。迎。立。新。君。往。往。出。於。婚。媾。之。國。是。非。滿。漢。之。可。與。並。論。者。也。乏。嗣。而。迎。立。新。君。則。其。國。家。已。定。矣。若。夫。兩。種。雜。居。獷。者。處。上。束。縛。鉗。制。使。其。一。種。欲。爲。牛。馬。臧。獲。而。不。可。得。我。欲。以。大。度。容。人。而。如。人。之。不。以。大。度。容。我。何。則。希。臘。意。大。利。之。自。立。有。成。事。矣。梁。子。頌。言。歐。洲。迎。君。之。美。而。諱。稱。希。臘。意。大。利。自。立。之。事。豈。不。持。之。有。故。言。之。成。理。耶。抑。何。其。偏。宕。而。遠。於。事。情。也。嗚。呼。梁。子。所。悲。痛。者。革。命。耳。所。悲。痛。於。革。命。而。思。以。建。立。憲。法。易。之。者。爲。其。聖。明。之。主。耳。夫。所。謂。革。命。者。固。非。溷。淆。清。濁。而。一。概。誅。夷。之。也。自。渝。關。而。外。東。三。省。者。爲。滿。洲。之。分。地。自。渝。關。而。內。十。九。行。省。者。爲。漢。人。之。分。地。滿。洲。嘗。盜。吾。漢。土。以。爲。己。有。而。吾。漢。人。於。滿。洲。之。土。未。嘗。有。所。侵。攘。焉。今。日。逐。滿。亦。猶。田。園。居。宅。爲。他。人。所。割。據。而。據。舊。時。之。契。約。界。碑。以。收。復。吾。所。故。有。而。已。而。彼。東。三。省。者。猶。得。爲。滿。洲。自。治。之。地。故。曰。逐。滿。而。不。曰。殲。殺。滿。人。其。地。未。割。於。俄。羅。斯。歟。則。彼。猶。得。保。其。主。權。而。將。率。醜。類。以。爲。蠻。夷。之。大。長。尙。不。失。其。帝。位。也。其。地。果。割。於。俄。羅。斯。歟。東。胡。大。地。曠。蕩。鮮。人。水。草。猶。多。牧。馬。猶。殖。使。夫。五。百。萬。人。者。反。其。故。土。林。林。而。立。總。總。而。居。亦。猶。是。滿。洲。之。舊。俗。也。夫。苟。奮。然。切。齒。於。前。日。屠。劊。焚。掠。鉗。束。聚。斂。之。怨。則。將。犁。其。庭。埽。其。閭。鞭。其。墓。濬。其。宮。積。醜。成。阜。蹀。血。爲。渠。如。

去歲西人之仇。殺義和團者。比於揚州十日。嘉定三屠。尙爲末減。而未有增也。此則合於九世復仇之義。夫誰得而非之。今一切不計。而徒曰逐滿而已。宅爾宅。畋爾田。各營生計。特不得以腥羶於吾漢土。是其待之也。亦可謂至公至仁矣。其尙得曰仇視歟。乃夫此一人者。誠使不失其聖明。而能與俄羅斯相安。則奴兒哈赤之帝號。固未替也。若其漸染華風。樂慕上國。如匈奴賢王之歸化者。則封以三恪。處以大第。入朝不趨。贊拜不名。所以酬其百日變政之功者。固自有道。甯有斬以輕呂。懸以大白者乎。嗚呼。爲說至此。而革命與梁子所謂保國會者。抑可以無間矣。昔之保國者。曰保中國。不保大清。今之革命而不廢保皇者。曰保生命。不保權位。雖梁子躬自革命。而於其忠愛之念。猶若可以無憾。夫何始媮慈愛。以悲痛於此乎。若夫梁子所謂立憲者。吾又不知其何以能立也。凡一國專制之主。而欲立之。權限勿使自恣者。必有國會議院。以遏其雷霆萬鈞之勢也。而是二者皆起於民權。非一人之所能立。方今霾曠屯否之世。顧所謂民權者。安在乎。其必睿聖仁彊之丈人。文能附衆。武能卻敵者。糾合志士。大鞬大搏。以與凶頑爭命。而後可以就事。事之既就。人心所歸。必在英桀。則此睿聖仁彊者。雖欲不居帝位。而抑無所遁。苟曰使彼反其初服。而惟以舊日段號之帝王。爲

吾共主。是則選立共主之法。不於賢否。而惟於成俗沿襲之虛名也。今夫中國非可以日本爲比例者也。彼以二千五百年之舊主。神器相傳。無有移易。則臣民之於舊主。亦既有其感情。故維新之始。雖以志士號呼搏擊。得奠大功。而卒以尊王爲成績。是豈處置異種者所得援以爲例者哉。必使民權既成。而猶立憲以保此一人之位。何異漢高祖秦而使之尊事懷王。明祖滅元而使之擁戴林兒。微特於義無取。亦事之必不可得者也。吾故曰梁子迫於忠愛而忘理勢之所趣也。

△案梁子又言。日本異國。我猶以同種同文引而親之。何有於滿洲。夫自族民言之。則滿日皆爲黃種。而日爲同族。滿非同族。載在歷史。粲然可知。自國民言之。則日本隔海相對。自然一土。而滿洲之在雞林靺鞨。亦本不與支那共治。且其文字風俗之同異。則日本先有漢字。而後制作和文。今雖雜用漢字。猶居大半。至滿洲則自有清書。形體絕異。若夫氈裘湮酪之俗。與日本之葛布魚鹽。其去中國。孰遠孰近。然則日親滿疏。斷可知矣。雖然。以獨立自主言。則雖以日本宰制吾土。而猶不欲降心相從。何有於滿洲耶。此義既多知者。故今不辯。辯以理勢如此。

右稿爲內地某君寄來先以駁斥一人之言與本報成例微有不合原擬不登繼觀  
撰者持論至公悉中於理且并非駁擊梁君一人所關亦極大矣急付梨棗以餉國民使  
大義曉然於天下還以質之梁君可也本社附誌

**The Chinese National.**  
**“No. 1.”**